

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TATU

KIKAO CHA HAMSINI

24 JUNI, 2016



ORODHA YA SHUGHULI ZA LEO

MKUTANO WA TATU

KIKAO CHA HAMSINI – TAREHE 24 JUNI, 2016

I. MASWALI:

OFISI YA RAIS (TAMISEMI):

424. **MHESHIMIWA HAMIDU HASSAN BOBALI (MCHINGA):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Jimbo la Mchinga na Jimbo la Mtama linaunda Halmashauri ya Wilaya ya Lindi na ukubwa wa Halmashauri hii ni kikwazo cha kuwafikia wananchi kwa urahisi katika kuwapelekea Huduma za Jamii:-

Je, kwa nini Serikali isiigawe Halmashauri hii ili kuwa na Halmashauri mbili yaani Mchinga na Mtama.

**425. MHESHIMIWA JUMAA HAMIDU AWESO
(PANGANI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Jimbo la Pangani linakabiliwa na tatizo sugu la maji hususani katika Kata za Mkalamo, Masaika, Mikinguni, Mkwaja, Mwera na Bushiri:-

Je, ni lini Serikali itatatua tatizo hili ambalo limesababisha kuzorotesha shughuli mbalimbali za kiuchumi kwa Wananchi wa Kata hizo.

WIZARA YA ULINZI NA JESHI LA KUJENGA TAIFA:

**426. MHESHIMIWA ASHA ABDULLAH JUMA
(VITI MAALUM):**

Atamuuliza Mheshimiwa Waziri wa Ulinzi na Jeshi la Kujenga Taifa:- Kumekuwa na muingiliano wa Wananchi kuishi karibu, ndani au pembezoni mwa maeneo ya Kambi za Jeshi kama ilivyo kwenye Kambi ya Chukwani:-

- (a) Je, Serikali haioni umuhimu wa kutenganisha maeneo hayo na makazi ya Wananchi kwa kuweka mipaka madhubuti;
- (b) Je, Serikali ina mkakati gani wa kushughulikia suala hili mapema ili kuepuka migogoro inayoweza kutokea baina ya Jeshi na Wananchi.

WIZARA YA HABARI, UTAMADUNI, SANAA NA MICHEZO:

427. MHESHIMIWA HASANI ELIASI MASALA (NACHINGWEA):

Atamuuliza Mheshimiwa Waziri wa Habari, Utamaduni, Sanaa na Michezo:- Redio ya Taifa (TBC) haisikiki Wilayani Nachingwea pamoja na kuwepo kituo cha kurushia matangazo katika eneo la Stesheni:-

- (a) Je, ni tatizo gani linasababisha kutosikika kwa Redio ya Taifa katika Jimbo la Nachingwea;
- (b) Je, Serikali ina mpango gani wa kukifanyia ukarabati kituo cha kurushia matangazo Nachingwea ambacho pia ni chanzo cha ajira kwa wakazi wa jirani na kituo.

WIZARA YA KILIMO, MIFUGO NA UVUVI:

428. MHESHIMIWA LEONIDAS TUTUBERT GAMA (SONGEA MJINI):

Atamuuliza Mheshimiwa Waziri wa Kilimo, Mifugo na Uvuvi:- Kilimo cha mahindi ndiyo shughuli kubwa ya kiuchumi kwa Wananchi wa Mkoa wa Ruvuma lakini kumekuwa na bei kubwa ya mbolea na ruzuku hutolewa kwa Wakulima wachache tu:-

- (a) Je, Serikali haioni utaratibu huu wa ruzuku kwa Wakulima wachache umekuwa na changamoto kubwa ya kupotea kwa vocha kunakofanywa na watumishi wasio waaminifu;
- (b) Je, kwa nini Serikali isitoe ruzuku kwa Wakulima wote kupitia Taasisi maalum kama TFC na kuacha mfumo huu wa vocha;
- (c) Je, Serikali haijui Wakulima walio wengi ni maskini na ndiyo wanaowalisha Watanzania wote.

429. MHESHIMIWA NAGHENJWA LIVINGSTONE KABOYOKA (SAME MASHARIKI):

Atamuuliza Mheshimiwa Waziri wa Kilimo, Mifugo na Uvuvi:- Wakulima wa zao la Tangawizi katika jimbo la Same Mashariki walihamasishwa kulima Tangawizi kwa wingi kwa matarajio kuwa kiwanda cha tangawizi kilichokuwa kinatarajiwa kufanya kazi kingeweza kusaga tangawizi hiyo kwa kiasi cha tani tisa (9) kwa siku na kwa vile kiwanda hicho hakijaweza kufanya kazi tangu kifunguliwe na aliyekuwa Rais wakati huo Mhe. Jakaya Kikwete tarehe 29 Oktoba, 2012 huko Mamba Miyamba Wilayani Same Mashariki:-

Je, Serikali inawasaidiaje wakulima hao kupata soko la zao hilo ambalo imeshindikana kuliongezea thamani (*processing*) na matokeo yake wanunuzi ni wachache na wanawapunja sana wakulima wanaponunua zao hilo.

**430. MHESHIMIWA ALMAS ATHUMAN MAIGE
(TABORA KASKAZINI):**

Atamuuliza Mheshimiwa Waziri wa Kilimo, Mifugo na Uvuvi:- Kilimo cha Tumbaku katika Mkoa wa Tabora hasa Jimbo la Tabora Kaskazini kinakabiliwa na matatizo ya pembejeo, madeni ya wakulima, viongozi wabovu wa Vyama vya Ushirika, ukosefu wa wanunuzi, wanunuzi watatu kupanga bei, matatizo yote haya yanachangiwa na mapungufu ya Sheria ya Ushirika na Sheria ya Tumbaku:-

- (a) Je, ni lini Serikali italeta Sheria za Ushirika na Tumbaku katika Bunge lako Tukufu ili zifanyiwe marekebisho;
- (b) Kilimo cha Tumbaku ni kazi ngumu inayoathiri afya za wakulima; Je, kwa nini Serikali kupitia Bodi ya Tumbaku isiwaagize wanunuzi kuwalipa wakulima posho kwa kufanya kazi inayoathiri afya zao;
- (c) Je, ni lini Serikali itatafuta wanunuzi wengine wa Tumbau hasa kutoka China ili kuondoa ukiritimba wa wanunuzi watatu wa Tumbaku waliopo sasa nchini.

WIZARA YA UJENZI, UCHUKUZI NA MAWASILIANO:

431. MHESHIMIWA MOHAMED OMARY MCHENGERWA (RUFJI):

Atamuuliza Mheshimiwa Waziri wa Ujenzi, Uchukuzi na Mawasiliano:- Jimbo la Rufiji ni miongoni mwa Majimbo yasiyo na barabara ya lami hata nusu kilomita:-

Je, ni lini Serikali itafikiria kujenga barabara kuelekea Makao Makuu ya Wilaya yaani kutoka Nyamwage – Utete yenye urefu wa km 39 ambayo iliahidiwa na Mhe. Rais na Makamu wa Rais.

WIZARA YA ELIMU, SAYANSI, TEKNOLOJIA NA UFUNDI:

432. MHESHIMIWA JANET ZEBEDAYO MBENE (ILEJE):

Atamuuliza Mheshimiwa Waziri wa Elimu, Sayansi, Teknolojia na Ufundi:- Wilaya ya Ileje haina Vyuo vyovyote vya Serikali vya Ufundi zaidi ya vile vichache vya Taasisi za dini na Chuo cha Ufundi ambacho kinamaliziwa kujengwa kwa ufadhili wa Serikali ya Japan:-


Je, Serikali ina mpango gani wa kumalizia ujenzi wa Chuo hicho cha Ufundi ambacho bado kinahitaji jengo la utawala, vyoo, mabafu, kantini ya chakula, vifaa vya kufundishia pamoja na fedha ya kuwalipa wafanyakazi.

II. MISWADA YA SHERIA YA SERIKALI:

***(Kusomwa Mara ya Pili, Kamati ya Bunge Zima na
Kusomwa Mara ya Tatu)***

Muswada wa Sheria ya Marekebisho ya Sheria Mbalimbali wa Mwaka 2016 *[The Written Laws (Miscellaneous Amendments) Bill, 2016]*

Muswada wa Sheria ya Marekebisho ya Sheria Mbalimbali (Na. 2) wa Mwaka 2016 *[The Written Laws (Miscellaneous Amendments (No. 2) Bill, 2016]*



**DODOMA
24 JUNI, 2016**

**DKT. T. D. KASHILILAH
KATIBU WA BUNGE**